

ԿԱՆԹԵՂ ՀԱՍԱՐԱԿԱԿԱՆ

ԿԱԶՄԱԿԵՐՊՈՒԹՅՈՒՆ

ԱՏԵՍԱՎՈՐՄԱՆ ԵՆԹԱԿԱ

ՈՒՍՈՒՑԻՉՆԵՐԻ

ՎԵՐԱՊԱՏՐԱՍՏՄԱՆ

ԴԱՍԸՆԹԱՑ



Թեմա-օրվա դասի պլան

Կազմող-Լուսինե Սուլյան

Խումբ- հայոց լեզու,գրականություն

Ղեկավար-Սուսան Սարուխանյան

## ԲՈՎԱՆԴԱԿՈՒԹՅՈՒՆ

Ներածություն

Էջ 1

Դասի պլանավորում

Էջ 2

Դասը որպես ուսուցման կազմակերպման հիմնական ձև

Էջ 3

Թեմայի պլանավորում

Էջ 6

Թեմայի նպատակները

էջ 7

Դասի պլան

էջ 12

Կրթության բովանդակության ձևավորման հիմունքները

էջ 18

Ամենակարևոր հարցերը, որոնք պիտի պատասխանի ուսուցիչը դասը պլանավորելիս

էջ 19

## Դասի

### պլանավորում

Արդյունավետ դասավանդման կարևոր նախապայաման է դասին հանգամանալից նախապատրաստվելը: Մա ենթադրում է նյութին մանրամասն և բազմակիորեն ծանոթանալը և դասի ողջ ընթացքը մոդելավորելը: Թեմայի ընտրությունից հետո դասի պլանավորումը կարելի է տրոհել հետևյալ հաջորդական քայլերի՝

- 1-ին քայլը դասի նպատակի հստակ գիտակցելն է, ու՞ր ենք ուզում հասնել, ի՞նչ ուղիով, ի՞նչ միջոցներով: Նպատակի և դրանից բխող խնդիրների ձևակերպման հարցում ուսուցիչը պետք է օգտվի առարկայական չափորոշային պահանջներից և ուսումնական ծրագրի <<Թեմայի ուսումնասիրությունը սովորողին հնարավորություն է տալիս >> բաժնից: Ձևակերպման խնդիրների իրականացումից հետո աշակերտի ձեռք բերած գիտելիքներն ու կարողությունները պետք է բավարարեն առարկայական չափորոշիչի պահանջներին: Բացի այս նորմատիվային պահանջներից, ուսուցիչը պետք է տեսնի նաև տվյալ դասի իրատեսական հնարավորությունները, կիրառելիությունն ու իր մեջ պարունակող դաստիարակչական տարրերը նաև միջառարկայական կապի տարրերը:
- 2-րդ քայլը սովորողների նախագիտելիքների ախտորոշումն է: Մա շատ կարևոր է, քանի որ ամեն մի մատուցվող նյութը հիմնվում է նախկինում ստացված գիտելիքների ու կարողությունների վրա և պիտի համապատասխանի տվյալ դասարանի ընդհանուր մակարդակին: Ախտորոշումն իրականացվում է նախորդ դասերի ընթացքում դիտման մեթոդի կամ հարց ու պատասխանի միջոցով: Եվ անհրաժեշտության դեպքում նախորդ դասին իսկ կարելի է հիմքեր դնել տվյալ դասի

համար:

- 3-րդ քայլը ուսուցչի կողմից ակնկալիքների ու սպասումների ճշտագրումն է, հնչյալ եւ ընդհանուր դասարանից, առանձին խմբերից, այնպես էլ ամեն մի աշակերտից;
- 4-րդ քայլը դասի խնդիրներից ելնելով համապատասխան մեթոդի ընտրությունն է:
- 5-րդ քայլը դասասենյակի համապատասխանեցումն է տվյալ դասի ընթացքից բխող պահանջներին: Ուսուցիչը պետք է դասավորի բոլոր այն նյութերը, որոնք օգտագործվելու են տվյալ դասին, այդ թվում նաև ուսումնական նյութերը, համոզվի, արդյոք սարքին են անհրաժեշտ տեխնիկական միջոցները և ցանցային սարքավորումները, բավարար է ծրագրային ապահովումը:
- 6-րդ քայլը գնահատման ձևի ընտրություն, չափանիշների ճշտագրումն ու մշակումն է:
- 7-րդ քայլը ժամանակի բաշխումը՝ ըստ փուլերի:

Այս ամենի մասին նախօրոք հոգալը ուսուցչին լրացուցիչ վստահություն կներշնչի, կնպաստի դասի հարթ ընթացքին և ժամանակի արդյունավետ սնօրինումը: Առաջարկվող հարցերի պատասխանները, կօգնեն ուսուցչին ավելի հստակ գնահատել դասին իր պատրաստ լինելը և բարելավել դասի պլանը:

- Որքանո՞վ են իմ ակնկալիքներն ու սպասումներն իրատեսական:
- Ինչպե՞ս կարող եմ համոզվել, որ աշակերտները պատրաստ են կատարել վարժությունը կամ քննարկել նյութը:
- Ինչպե՞ս պետք է կառուցեմ առաջադրանքը:
- Որքանո՞վ եմ իմ ակնկալիքները իրատեսական ժամանակի առումով:
- Ինչպե՞ս գնահատել աշակերտների ձեռք բերած գիտելիքները և հմտությունները:
- Ի՞նչ եմ ուզում, որ աշակերտները զգան/ինչպիսի՞ վերաբերմունք եմ ուզում ձևավորել/:

Դասի նախապատրաստվելուց հետո գալիս է այդ դասի իրականացումը, որը պարունակում է հետևյալ քայլերը՝

- 1-ին քայլը կազմակերպչական աշխատանք, ներկա, բացակա և այլն:
- 2-րդ քայլը անդրադարձ նախորդ դասին, հարց ու պատասխան և նոր թեմայի համար աշակերտների հետաքրքրության *խթանում*: Ուսուցման գործընթացի

խթանման փուլը աշակերտներին հնարավորություն է տալիս խորհել նոր հաղորդվելիք թեմայի վերաբերյալ:

### Դասը որպես ուսուցման կազմակերպման հիմնական ձև

Դասի համար առանձնացնում ենք մի շարք էական կողմեր.

-Պրապմունքներն սկսվում են ուսումնական ուսումնական տարվա սկզբին (սեպտեմբերի 1) և ավարտվում ուսումնական տարվա վերջում (մայիս -հունիս);

-Պարապմունքները տարվում են աշակերտական հաստատուն համակազմի հետ,որը որոշ բացառություններով պահպանվում է մինչև ուսումնառության ավարտելը:

-Դասարանի կազմավորումը կատարվում է աշակերտների տարիքային և իրական ուսումնական հնարավորությունները հաշվի առնելով:

-Բոլոր դասարաններում պարապմունքներն անց են կացվում համաձայն նախապես կազմված դասատախտակի,ուսումնական պլանի և ծրագրերի:

-Դասի ղեկավարը ուսուցիչն է,որը գլխավորվում է դասի ընթացքում աշակերտների կողմից կատարվող բոլոր աշխատանքները:

Դասին ներկայացվող մանկավարժական պահանջները կարելի է բաժանել երեք հիմնական խմբի. *կրթական* կամ *դիդակտիկական,դաստիարակչական և զարգացնող:*

*Կրթական* կամ *դիդակտիկական* պահանջներն իրականացնելու համար ուսուցիչը նախապես որոշում է նրա հիմնական խնդիրները,զատում գլխավորներն ու երկրորդականը:Ուսումնական ծրագրին համապատասխան որոշում է դասի բովանդակությունը:Որպեսզի իրականացնի կրթական պահանջները,նա դասից առաջ ընտրում է ուսուցման արդյունավետ մեթոդները և հնարները:Դասի յուրաքանչյուր փուլում խթանում է սովորողների ճանաչողական ակտիվությունը,իրար է գուգակցում նրանց կոլեկտիվ և ինքուրույն աշխատանքի ձևերը,ձգտվում է կառավարել ուսուցման ընդունված սկզբունքներով ,հաշվի է առնում մանկավարժական,հոգեբանական պայմանները:Իրագործում է միջառարկայական կապերը:

Դասի *դաստիարակչական* պահանջները իրականացնելու համար ուսուցիչը յուրաքանչյուր դասի անպայման դնում է դաստիարակչական բնույթի խնդիրներ և փորձում է լուծել դրանկք:Այդպիսիք կարող են լինել գաղափարական,բարոյական,գեղագիտական և այլ փնդիրներ:Սովորողների ձեռք բերած գիտելիքների հիման վրա ձևավորվում է նրանց աշխարհայացքը,նրանց մեջ դաստիարակվում է հայրենասիրություն,մարդասիրություն,բարոյական հատկանիշներ,գեղագիտական կուլտուրա և ճաշակ:

Դասի *գարգացնող* պահանջներն իրականացնելու համար ուսուցիչը խթանող, մոտիվացիոն, որոնողական մեթոդների ու հնարների գործադրմամբ թործում է ձևավորել սովորողների ճանաչողական հետաքրքրությունները: Ուսումնասիրում է նրանց մտածողության

տեսակները, հիշողությունը, մտապահումը, ուշադրությունը, երևակայությունը և այլն:

Կարևոր հանգամանք է դասի լավագույն կազմակերպումն ու իրականացումը: Այն սկսվում է կազմված պլանից, պետք է լինի հստակ, օգտագործվի յուրաքանչյուր բույն, դասի փուլերը լինեն որոշակի: Իրականացվի դասին ներկայացվող կրթադաստիարակչական և գարգացնող պահանջները:

Դասերի կառուցվածքը ըստ դասերի տիպերի բազմազան է: Յուրաքանչյուր տիպի դաս պահանջում է իր յուրահատուկ պլանավորումը և ինքնատիպ սխեման:

Դասի կառուցվածքը պայմանավորված է.

1. դիդակտիկ նպատակներով
2. ուսումնական նյութի բովանդակությամբ
3. գործադրվող ուսումնական մեթոդներով և հնարներով
4. սովորողների պատրաստության մակարդակով
5. ուսուցչի ստեղծագործական որակներով ու աշխատանքի բնույթով
6. դասարանի առանձնահատկություններով և այլ խնդիրներով

Դպրոցներում տարածված է համակցված դասի կառուցվածքը, որը կազմված է հետևյալ մասերից.

- կազմակերպչական մաս, երբ ուսուցիչը ստուգում է սովորողների տնային առաջադրանքները, ամփոփում արդյունքները
- հարցում, երբ հարցնում է ուսումնասիրված ուսումնական նյութը
- ամփոփում հարցերի միջոցով
- նոր նյութի հաղորդում
- նյութի ամրակցում և տնային առաջադրանքների հանձնարարում

Այդուհանդերձ առաջավոր մանկավարժական փորձը ապացուցում է, որ դասի ավանդական կառուցվածքը չի համապատասխանում ժամանակակից դիդակտիկայի պահանջներին: Դիդակտիկայի արդի խնդիրներից է դասի կառուցվածքի տեսության

մշակումը:

Ուսուցչի նախապատրաստումը դասին բաժանվում է երկու փուլի. *նախապատրաստման* և *իրագործման*: Առաջին փուլում ուսուցիչը ծանոթանում է ուսումնական ծրագրերին, ձեռնարկներին, դասագրքերին: Մանրամասն ուսումնասիրում է դրանց պահանջները, ժամանակակից մանկավարժական և հոգեբանական գրականությունը, առաջավոր ուսուցիչների փորձը, ապա ըստ դասարանների որոշում դասի տեղը թեմատիկ պլանում: Ելնելով վերջինից ուսուցիչը կազմում է օրացուցային պլան, ուսումնական ծրագրային նյութը բաշխում է կիսամյակի, ուսումնական քառորդների, շաբաթների վրա, նշում դրանց իրացման ժամկետները: Երբ սկսվում է ուսումնական տարին, ուսուցիչը յուրաքանչյուր դասի համար կազմում է օրվա դասի պլանը, այլ կերպ սկսվում է իրագործման փուլը: Այս փուլում կարևոր նշանակություն ունի ուսուցչի կողմից նոր նյութի հաղորդումը, որը սկսվում է հասկացության ձևավորումով, նրա իմաստի բացահայտումով, այնուհետև վերլուծաբար հաղորդվում է ուսումնական նյութի բովանադակությունը: Հաղորդման ընթացքում ուսուցչին առաջնորդվում է ուսուցման սկզբունքերով, գործադրում է համապատասխան մեթոդներ և հնարներ: Իրագործման փուլում մեծ է նաև ամրապնդման նշանակությունը, որի գլխավոր նպատակն է սովորողներին ավելի խոր յուրացնել տալ նոր նյութի շարադրանքի բովանադակությունը:

Դասերի ընթացքում սովորողների ուսումնական գործունեությունը կազմակերպվում և իրագործվում է երեք ձևով. *համընդհանուր* կամ *ֆրոնտալ, անհատական* և *խմբային*:

*Ֆրոնտալ* ձևը ենթադրում է դասի կրթադաստիարակված և զարգացնող խնդիրների համտեղ լուծում, որը կիրառվում է հարց-առաջադրանքների ձևով: Այս ձևը դրական կողմերով հանդերձ ունի թերություններ, որովհետև այն թույլ չի տալիս դասարանի յուրաքանչյուր աշակերտի արրտահայտել իր ճանարչողական հետքերությունները և կարողությունները:

*Անհատական* ձևը ենթադրում է աշակերտների առավել ինքնուրույնություն և հնարավորություն է ստեղծում վերահսկել ու կառավարել յուրաքանչյուր աշակերտի առաջադիմությունը: Սրա թերությունը կայանում է նրանում, որ աշակերտը մեկուսանում է և նրա համար բացառվում են կոլեկտիվ քննարկումները:

*Խմբային* ուսուցումը հիմնականում արդյունավետ է գործնական առաջադրանքներ կատարելիս, վարժություններ լուծելիս և այլն: Այս դեպքում դասարանը բաժանվում է խմբերի (4-6 հոգի), որոնք այդ ձևաչափով էլ կատարում են հանձնարարությունները:

## Թեմայի պլանավորում

Թեմա՝

Դերանուն (15 ժամ)

Թեմայի նպատակները

- Ծանոթացնել դերանուն խոսքի մասին:
- Ձևավորել գիտելիք դերանվան և նրա տեսակների վերաբերյալ:
- Ներկայացնել դերանվան քրականական հատկանիշները:
- Ծանոթացնել դերանվանական հոլովման առանձնահատկություններին:
- Ներկայացնել նախադասության մեջ դերանունների դերը:
- Ներկայացնել ուղղակի և անուղղակի խոսքում անձնական դերանվան կիրառման յուրահատկությունները:
- Ձևավորել գիտելիք հայերենի հոդերի տեսակների վերաբերյալ:
- Ջարգացնել գրավոր և բանավոր խոսք կառուցելու հմտությունները դերանունների կիրառմամբ:
- Նպաստել հարգալից խոսքի կիրառմանը՝ անձնական դերանունների 2-րդ դեմքի հոգնակիի գործածությամբ:
- Խթանել սոցալական հարաբերությունները՝ վարելով հարցազրույցներ, բանավեճեր:

## Թեմայի վերջնարդյունքները

Աշակերտը կկարողանա՝

-տարբերել դերանվան տեսակները

-ձևափոխել և կիրառել դերանվան տարբեր տեսակները ըստ անհրաժեշտության

-կիրառել դերանունների հոմանիշ և հականիշ գույգերը գրավոր և բանավոր խոսքում

-մեկնաբանել խոսքում դերանվան կիրառման անհրաժեշտությունը և իմաստային արժեքը

-համեմատել դերանունների խոսքիմաստային պատկանելություն ցույց տվող տեսակները

-կառուցել խոսք՝ դերանվան տարբեր տեսակների և հոդերի և հոդերի ճիշտ կիրառությամբ

-փոխարինել հոդերը դերանուններով և հակառակը

-փոխոխել և ստեղծել տեքստեր՝ կիրառելով դերանուններ

-գնահատել դերանունների դերը խոսքում՝ հիմնավորելով տրված տեքստում հանդիպած դերանուններով

-վարել հարցազրույցներ,մասնակցել բանավեճերին

**Դասապլան**

**Ամսաթիվ՝**

**Առարկա՝**

**Դասարան՝**

**Աշակերտների թիվը՝**

**Դասի տևողությունը՝**

**Դասի տեսակը՝**

Նոր նյութի հաղորդում

**Դասի թեմա՝**

**Դասի նպատակը՝**

1.ծանոթացնել փոխադարձ դերանուններին

2.ներկայացնել փոխադարձ դերանվան

քերականական

հատկանիշները

3.խթանել փոխադարձ դերանվան դերի

ընկալումը



նախադասության մեջ

4.զարգացնել սովորողների ճանաչողական

ստեղծագործական կարողությունները

**Դասի վերջնարդյունքները`** Աշակերտը կկարողանա՝

1.ճանաչել փոխադարձ դերանունները

2.նշել փոխադարձ դերանունների

քերականական

հատկանիշները

3.ձևափոխել փոխադարձ դերանունները

4.կազմել նախադասություններ փոխադարձ  
դերանուններով

**Միջառարկայական կապեր`** Կապեր ստեղծել,համեմատական գուգահեռներ տանել

***օտար լեզուներում*** գործածվող փոխադարձ

դերանունների,դրանց քերականական

հատկանիշների հետ;

**Խաչվող հասկացություններ`** Կայունություն և փոփոխություն

**Ուսուցման մեթոդներ`** Մտքերի տարափ,Ժամացույցի ընկերներ,ԾՀԲՍ

մեթոդ,Ելքի տոմս,Quizzis առցանց գործիք

**Դասի սկիզբ`** Դասը պլավորած է այնպես,որ աշակերտները աշխատելու են

գույգերով,ուստի դասի սկզբում,կիրառելով <<Ժամացույցի  
ընկերներ>> մեթոդը,ձևավորել գույգեր:

Դասն սկսել` կիրառելով <<Մտքերի տարափ>>

մեթոդը:Հանձնարարել,որ յուրաքանչյուր աշակերտ իր

տեսրում

1րոպեի ընթացքում գրի առնի իր իմացած բոլոր

դերանունները:

և

նրանցից

1րուպե:

են,թե

հետ:

գրի առել

այդ

**Ղասի ընթացք՝**

**10 րուպե**

**10րուպե**

Ավարտելուց հետո գույգերը փոխանակում են իրենց տետրերը

դասընկերոջ տետրում գրի առած դերանունների դիմաց

յուրաքանչյուրը գրում է դերանվան տեսակը:Տրվում է ևս

Ավարտում են,հետ են վերադարձնում տետրերը և ստուգում

արդյոք ճիշտ է իր գույգը որոշել դերանվան

տեսակը:Անհամաձայանության դեպքում քննարկում են իրար

Ուսուցիչը աշխատանքի ավարտից հետո հարցնում է,թե ով է

ամենամեծ քանակով դերանուններ,և նրան խնդրում է կարդալ

դերանունները:

Աշակերտները ծանոթանում են նոր նյութին ուսուցչի տրամադրած

դասանյութերով:Այս անգամ ուսուցիչը կիրառում է ԾՀԲՍ մեթոդը

(ծանոթանալ,հարցեր գրել,բացատրել,ստուգել):

Ուսուցիչը հնարավորություն է տալիս,որ յուրաքանչյուր գույգ

յուրաքանչյուր գույգ դասարանին ուղղի այն հարցերը,որ իրենք գրի են

առել դասանյութին ծանոթանալիս:Եթե ճիշտ պատասխան չի

պատասխանը: հնչում,ապա գույգը տալիս է իր հնչեցրած հարցի

Ամեն գույգի ուսուցիչը տալիս է բանավոր հետադարձ կապ:  
Ավարտելուց հետո ուսուցիչը սահիկաշարով ամփոփում է  
թեման:

### **Յրոպե**

Ուսուցիչը Quizzis արցանց գործիքի օգնությամբ կատարում է  
ուսումնառությանը նպաստող գնահատում:

### **7րոպե**

Գործիքը հնարավորություն է տալիս աշակերտներին նույն պահին  
տեսնելու,թե՞ ոչ:  
Ավարտելուց հետո ուսուցիչը հետադարձ կապ է տալիս  
աշակերտներին:

**Դասի ավարտ** Դասի ավարտին ուսուցիչը կատարում է ամփոփում՝ կիրառելով **5րոպե**  
<<Ելքի քարտ>> մեթոդը:

իրենք Աշակերտները <<Ելքի քարտում>> լրացնում են բան Յբան,որ  
սովորեցին,2բան,որ այսօր իմացան,և 1բան,որ դեռ լիարժեք չեն  
հասկացել:

**Տնային հանձնարարություն** Դիտել Յրոպեանոց ֆիլմ այս հղումով,ստեղծել փոքրիկ  
պատմություն դիտած ֆիլմի շուրջ՝  
կիրառելով արդեն  
անցած և այսօր սովորած դերանունները  
(20 դերանուն)

**Գնահատում** Ձևավորվող գնահատում,փոխադարձ գնահատում

# Դասի պլան

Դաս 1.

Հայերենի զարգացման փուլերը՝ գրաբար, միջին հայերեն, աշխարհաբար՝ արևելահայ և արևմտահայ տարբերակներով:

Ուսուցիչ՝

Ամիս/ամսաթիվ՝

Դասարան՝ 10-րդ

Թեման՝ Հայերենի զարգացման փուլերը

Նպատակները՝

- Ձևավորել գիտելիք հայերենի զարգացման փուլերի մասին,
- նպաստել հայոց լեզվի զարգացման գործում գրաբարի դերի գիտակցմանը և արժևորմանը:

Կարողանա՝

- ներկայացնի հայերենի զարգացման փուլերը՝ նշելով դրանց որոշ առանձնահատկությունները,
- նշի՝ որ դարերում են ձևավորվել գրաբարը և միջին հայերենը,
- տարբերի և ներկայացնի աշխարհաբարի ճյուղերը,
- տարբերակի յուրաքանչյուր փուլի լեզվական առանձնահատկությունները,
- ապա ստեղծի գրաբարի և ժամանակակից հայերենի միջև,
- քննադատական վերաբերմունք արտահայտի,
- կատարի գուգորդումներ, համեմատություններ,
- ընդհանրացնի և եզրակացություններ կատարի:

Ուսումնական նյութերը՝ դասագիրք, թղթապատառ, նշագրիչ, բառարաններ, A4 չափսի թղթեր, գրիչ, քարտեզ:

Ուսուցման մեթոդները՝ մտագրոհ, կարճ դասախոսություն, երկայուն աղյուսակի աղյուսակի (T-աձև աղյուսակ) գծակարգ, վեննի տրամագիր, 5-րդ պեղանոց շարադրանք:

Տևողությունը՝ 1 դասաժամ

Դասի ընթացքը՝

<<Մտագրոհ>>-ի միջոցով վեր հանել սովորողների՝ գրաբարի մասին ունեցած նախնական գիտելիքները: Հնչեցրած բառերը լրացնում ենք սլաքների վրա: Երեխաներին առաջարկում ենք կազմել << գրաբար >> հիմնաբառով և գծակարգի շուրջն առաջացրած բառերով կազմել նախադասություն: Աշխատանքն ավարտելուց հետո ցանկացողները կարդում են:

Ուսուցիչը դասագրքի համապատասխան նյութը հանձնարարում է աշակերտներին կարդալ կամ ինքն է դասախոսության միջոցով տեղեկության միջոցով տեղեկություն հաղորդում թեմայի վերաբերյալ՝ ասելով, որ հայոց լեզվի պատմությունը երկու մեծ շրջանների է բաժանվում՝ նախագրային շրջան և գրային շրջան: Նախագրային շրջանն ընդրկում է հնդեվրոպական հիմք լեզվից անջատվելուց հետո մինչև 5-րդ դարի սկիզբն ընկած ժամանակը: Գրային կամ գրավոր շրջանն սկսվում է 405 թվականից, երբ Մեսրոպ Մաշտոցն ստեղծեց հայկական գիրը:

Հայոց լեզվի զարգացման գրային շրջանը երեք փուլ ունի՝ հին (5-11-րդ դարեր), միջին (12-16-րդ դարեր) և նոր (17-րդ դարից առ այսօր):

Հին կամ գրաբարի շրջան (5-11-րդ դարեր): Այս շրջանի գրական լեզուն գրաբարն է: Այն հայտնի է նաև հին հայերեն անունով: Այս շրջանն սկսվում է հայոց գրերի գյուտով: 5-րդ դարում սկզբնավորվում է հայ ինքնուրույն գրականությունը:

Գրաբար են ստեղծագործել Մաշտոցի կենսագիր Կորյունը, պատմիչներ Ագաթանգեղոսը, Փավստոս Բուզանդը, Եղիշեն, Մովսես Խորենացին, Ղազար Փարպեցին և շատ ուրիշներ:

5-րդ դարում Հյաստանում Թարգմանչական հզոր շարժում է ծավալվում. թարգմանվում են

Աստվածաշունչը, քերականական, փիլիսոփայական, աստվածաբանական, պատմագիտական, մաթեմատիկական և այլ աշխատություններ: Աստվածաշնչի թարգմանությունը հետագայում եվրոպացի գիտնականներից մեկն անվանել է <<թարմանությունների թագուհի>>: Հայերենը մշակվում, հղկվում է, հստակորեն կանոնավորվում: Այն ժամանակի հարուստ և ճոխ լեզուներից էր:

Դարերի ընթացքում, սակայն, խոսակցական լեզուն էապես փոփոխվում է և սկսում տարբերվել գրական լեզվից: Գրական լեզուն դառնում է գերազանցապես գրքի, գրավոր

խոսքի լեզու:Ավելի ուշ հանդես է գալիս գրաբար անունը,որ հենց այդ էլ նշաբնակում է՝ <<գրայիօն,գրորեն>>,այսինքն՝ <<գրքի լեզու>>:Գրաբարը հարյուրամյակներ շարունակ գեղարվեստական և գիտական գրականության,ինչպես և դպրոցական ուսուցման լեզու էր:Մինչև 19-րդ դար նրա դիրքերը դեռևս ամուր էին:

Այսօր գրաբարը Հայ առաքելական եկեղեցու ծիսական արարողությունների լեզուն է:Գրաբար դասավանդվում է Հայաստանի ուսումնական տարբեր հաստատություններում,խոսքերի և ասույթների այսօր էլ կարելի է հանդիպել գեղարվեստական և գիտական գրականության էջերում,լսել ռադիոյով և հեռուստատեսությամբ:

Առանց գրաբարի իմացությամբ լավ բանասեր,պատմաբան,հոգևորական հնարաբոր չէ դառնալ:

Միջին կամ միջին հայերենի շրջան (12-16-րդ դարեր):Այս շրջանում խոսակցական լեզվի հիման վրա հանդես է գալիս մի նոր գրական լեզու,որն ավելի ուշ կոչվեց միջին հայերեն:Այս անունն առաջացել է այն ժամանակ,երբ լեզվաբանության մեջ արդեն գոյություն ունեին հին հայերեն և նոր հայերեն տերմինները:Այս շրջանի գրավոր հուշարձանները հիմնկանում ստեղծվել են Կիլիկիայի հայկական թագավորությունում:Այդ պատճառով էլ միջին հայերենը կոչում են նաև կիլիկյան հայերեն:

Նոր կամ աշխարհաբարի շրջան (17-րդ դարից առ այսօր):Լեզվի նոր վիճակը բավական տարբեր էր թե՛ գրաբարից,և թե՛ միջին հայերենից:Գրավոր հաղորդակցության դժվարություններ էին առաջացել.հասկացված լինելու նպատակով մարդիկ գրում էին ժամանակի խոսակցական լեզվով:

Գրաբարն ընկալվում էր իբրև եկեղեցում գործածվող լեզու:Նոր շրջանի լեզուն կոչվեց աշխարհաբար,այսինքն՝ <<աշխարհիկ,աշխարհիկ լեզվով>>՝ ի հակադրություն <<եկեղեցու լեզվի>>՝ գրաբարի:

Հայ հասրակության մեջ սկսվեց պայքար գրաբարը գործածությունից դուրս մղելու և աշխարհաբարը միակ գրական լեզու դարձնելու նպատակով:Այդ պայքարը պատմության մեջ մտավ <<գրապայքար>> անունով:

Աշխարհաբարը հանդես եկավ երկու տարբերակով:Կիլիկյան թագավորության անկումից հետո (1375թ.) Հայաստանն ավելի քան հարյուր տարի դառնում է զանազան քոչվոր ցեղերի,իսկ 16-րդ դարից՝ Օսմանյան սուլթանության և Պարսկաստանի ռազմաբեմ:Հակամարտությունն ավարտվում է Հյաստանի բաժանումով (1555թ.) մեր հայրենիքի արևմտյան մասն ընկնում է Թուրքիայի,իսկ արևելյանը՝ Պրսկաստանի տիրապետության տակ:Հայաստանի վարչաքաղաքական բաժանումը հանգեցրեց հայ

ժողովրդի մտավոր և մշակութային կյանքի տարանջատման:Տեսական ժամանակի ընթացքում խորացավ նաև լեզվական տարանջատումը:

Նոր ձևավորվող գրական արևելահայերենի հիմքն է դառնում Արարատյան բարբառը (Երևանի ու շրջակա վայրերի խոսվածքները),իսկ գրական արևմտահայերենինը՝ Պոլսի բարբառը:Այս բարբառներն ընկան աշխարհաբարի գրական տարբերակների հիմքում,քանի որ Արարատյան դաշտը (Երևան,Սուրբ Էջմիածին) և Պոլսի կարևոր նշանակություն ունեին հայ ժողովրդի երկու հատվածների տնտեսական,քաղաքական,մշակութային և հոգևոր կյանքում:Այս տեղ էին շփվում նաև տարբեր բարբառների և խոսվածքների ներկայացուցիչներ,այդ կենտրոնների խոսակցական լեզուները հաղորդակցման միջոց են դառնում այլ բարբառներով խոսողների համար:

Ռուսաստանի և Պարսկաստանի հայախոս վայրերում տարածված է արևելահայ,իսկ Թուրքիայի հայախոս վայրերում՝ արևմտահայ գրական տարբերակը:1915թ. ցեղասպանությունից հետո արևմտահայությունը ցրվեց աշխարհով մեկ,և արևմրահայերենը դարձավ սփյուռքահայության լեզուն՝ զրկվելով հայրենի հողի վրա հաղորդակցության միջոցով լինելու և լայնորեն կիրառվելու հնարավորությունից:

Գրական արևելահայերենը Հայաստանի Հանրապետությունում պետական լեզվի կարգավիճակ ունի:Այն կիրառվում է ամենուրեք՝ օրենսդիր,գործադիր և դատական մարմիններում,կրթության և գիտության ոլորտում,զանգվածային լրատվության միջոցներում,գիտության և գեղարվեստական գրականության մեջ:

Երբ ընթերցումը կամ դասախոսությունն ավարտվում է սովորաձև ամրապնդելու նպատակով,դասարանը բաժանվում է ճիւմբի և խմբից յուրաքանչյուրին տալիս ենք մեկ հարց՝ գրավոր պատասխանելու:

1-ին խումբ.

Ինչպիսի՞ շրջանների է բաժանվում հայոց լեզվի պատմությունը:

2-րդ խումբ.

Որո՞նք են հայոց լեզվի զարգացման գրային շրջանիի փուլերը և ժամանակային ինչպիսի՞ ընդգրկում ունեն:

3-րդ խումբ.

Համառոտ ներկայացրու հայոց լեզվի զարգացման փուլերը:

4-րդ խումբ.

Մեր օրերում որտե՞ղ է գործառվում գրաբարը:

5-րդ խումբ.

Հայ միջնադարյան մշակույթի և գիտության երևելի գործիչներից մեկի մասին զեկուցում պատրաստիր:

6-րդ խումբ.

Ներկայացրու աշխարհագրի գրական տարբերակները:/7րոպե/

Հանձնարարությունները կատարելուց հետո խմբերը ներկայացնում են պատասխանները:Կատարվում է քննարկում և փոխանակում:

Քանի որ դասի սկզբից համապատասխան քարտեզը կախված է պատից կամ համացանցից ենք գտնում քարտեզներ,ապա ցույց ենք տալիս այն բնակավայրերը,որտեղ ապրել ու գրաբարով,միջին հայերենով ,արևելահայ կամ արևմտահայ լեզուներով են խոսել հայերը՝ սկսած անհիշելի ժամանակներից,մինչև մեր օրերը:

Որից հետո դասարանը բաժանում ենք երեք խմբի,առաջին խմբին հանձնարարում ենք թղթապաստառով ներկայացնել գրաբարի մասին ստացած գիտելիքներն ու տպավորությունները,երկրորդ խմբին՝ միջին հայերենի,իսկ երրորդ խմբին՝ աշխարհագրի:

Աշխատանքներն ավարտելուց հետո,յուրաքանչյուր խումբ իր թղթապաստառը փակցնում է գրատախտակին և ներկայացնում:Կատարվում են լրացումներ:

Դասի ամփոփումը կատարում ենք՝ հանձնարարելով T-աձև աղյուսակով ներկայացնել գրաբարի և արդի հայերենի հնչյունական տարբերությունները:

Ավարտից հետո ներկայացնում են աշխատանքը և կատարում քննարկում:

Գրաբար	Արևելահայերեն



Անդրադարձ:/2րոպե/ Նշում ենք ձեռքբերումները և բացթողումները՝ հաջորդ դասին շտկում կատարելու ակնկալիքով:

Հանձնարարում ենք տնային աշխատանք:

Առաջադրանք՝

1.<<Գրքապայքարի>> մասնակիցների մասին փոքրիկ հաղորդում պատրաստի՛ր:

2.1920-րդ դարերի հայ նշանավոր գրողների ցանկ պատրաստիր և ներկայացրու,թե գրողներից յուրաքանչյուրը աշխարհաբարի ո՞ր տարբերակն է ստեղծագործել:

## Կրթության բովանդակության ձևավորման հիմունքները

### Դասի պլանի նմուշօրինակ

#### ԽԻԿ համակարգ

1.Ամիս,ամսաթիվ,ուսուցիչ

2.Առարկան,դասարանը

3.Դասի թեման

4.Դասի տիպը

5.Դասի նպատակները և խնդիրները

ա)Ակադեմիկական (գիտելիքներ)

ա)ուսուցման արագ

գնահատելի,չափելի արդյունքներ

բ)Կարողությունների և հմտությունների ձևավորում

բ)ուսուցման

հեռահար,հիմնական խնդիրներ

գ)Արժեքային համակարգի ձևավորում

6.Գնահատման չափանիշների սահմանում

7.Դասի փուլերի ներկայացման աղյուսակ

Դասի փուլերը	Ժամանակը	Ուսուցչի գործողությունները	Աշակերտի գործողությունները	Մեթոդներ, անհրաժեշտ նյութեր
Ներածություն, Մուտք, Մոտիվացիա, Խթանում, սկիզբ	5-7րոպե	Խթանում է, Հիշեցնում է, Հարցեր է տալիս	Պատասխանում է հարցերին, պատրաստվում է աշխատանքի	Մտագրոհ, պրիզմա, ապագա անիվ, զարգացնող հարց, հետքը քիթ փաստ
Հիմնական մաս, իմաստի ընկալման փուլ ընթացք	20-25րոպե	Հաղորդում է հիմնական Տեղեկատվութ Յունը, կազմա Կերպում է աշխատանքը	Աշակերտը լսում է, Տեղեկացվում է, աշխատում է	Խճանկար, շրջագ պատկերասրահ, դասախոսություն
Եզրահանգում կամ կշռադատման փուլ, ամփոփում	7-10րոպե	Շրջում է, ստուգում, Ճշտգրտում, աջակցում, ուղղորդում	Աշխատում է, կատարում առաջադրանքը, կշռադատում, եզրահանգումներ անում	Վենի դիագրամ, T-աձև այուսակ, M-աձև աղյուսա, համկարգող գծապատկեր
Անդրադարձ	ի՞նչ	ինչպե՞ս	ինչու՞	

## Ամենակարևոր հարցերը, որոնց պիտի պատասխանի

### ուսուցիչը դասը պլանավորելիս

1. Ի՞նչ պետք է կարողանան անել աշակերտները դասի ընթացքում ձեռք բերած գիտելիքների միջոցով: Ինչպե՞ս են այս առարկայական նպատակները առնչվում պետական չափորոշիչներին:
2. Ինչպե՞ս են բոլոր աշակերտները ցուցադրելու այն, ինչ գիտեն և կարող են անել: Ինչպիսի՞ն է լինելու գնահատման չափանիշը և ի՞նչ ձև է ընդունելու:
3. Ինչպե՞ս պետք է պարզեմ, թե աշակերտներն ինր գիտեն արդեն: Ինչպե՞ս կարող եմ օգնել նրանց գնահատելու այն, ինչ գիտեն և զգացել են դասարանում կամ դասարանից դուրս: Ինչպե՞ս կարող եմ օգնել նրանց գիտելիքներ կառուցելու նախորդ գիտելիքների հիմքով, նաև անհրաժեշտության դեպքում՝ բացահայտելու, պարզելու չիմացածը:
4. Ինչպե՞ս են ներմուծվելու նոր գիտելիքները, գաղափարները և հմտությունները: Հաշվի

առնելով աշակերտների ունակությունների տարբերությունները՝ ո՞րն է լինելու նոր նյութը ներկայացնելու եղանակների ու միջոցների իմ լավագույն ընտրությունը:

5. Ինչպե՞ս կարող եմ աշակերտների համար ավելի դյուրին դարձնել նոր տեղեկատվության կամ գործողությունների մշակումը: Որո՞նք են հիմնական հարցերը, գործողությունները կամ հանձնարարությունները:

6. Ինչպե՞ս եմ դասի ընթացքում ստուգելու նյութի ընկալումը աշակերտների կողմից:

7. Ի՞նչ պետք է անել տարբերակված հրահանգավորում իրականացնելու նպատակով, որպեսզի ուսումնառության փորձառություններն արդյունավետ լինեն բոլոր աշակերտների համար:

8. Ինչպե՞ս եմ ես հնարավորություններ տալու աշակերտներին՝ իրական աշխարհի հետ կապեր ստեղծելու և կիրառելու մտածողության բազմազան և բարդ հմտությունները, որոնք անհրաժեշտ են դասարանում ր դասարանից դուրս հաջողության հասնելու համար:

9. Ի՞նչ է անհրաժեշտ անել ուսումնառության միջավայրում հարմարվելու և արդյունավետության հասնելու համար: